



DISCOVER
— ITS BEAUTY —

Pjesa 6

SHPALLJA E FUNDIT



DR. NAXHI IBRAHIM



SHPLLJA E FUNDIT

Kur'ani i Madhërishëm është shpallja e fundit (Testamenti i Fundit), i shpallur nga Zoti (Allahu), Profetit Muhamed (paqja dhe bekimet e Allahut qofshin mbi të). Kur'ani është një kushtetutë hyjnore që ka zbritur për të rregulluar dhe udhëhequr jetën e njeriut. Ky Libër flet me njohurinë e përsosur të Krijuesit mbi krijesat e Tij. Ai shpall të vërtetën dhe fton njerëzimin në rrugën e drejtë. Kur'ani përmban informata të rëndësishme rreth fatit njerëzor. Ai i edukon dhe i ngre njerëzit në nivelin më të lartë shpirtëror, moral, intelektual dhe shoqëror, përderisa ata e kuptojnë atë dhe mundohen t'i praktikojnë mësimet e tij.

Kur'ani është mrekulli e përjetshme që i është dhënë Profetit të fundit, Muhamedit, si dëshmi e profetësisë së tij; si e tillë, është unike dhe e pakrahasueshme. Ndonëse i shpallur 14 shekuj më parë, ende mbetet i paprekur dhe i pandryshuar edhe në ditët e sotme, në formën e tij origjinale, në gjuhën arabe.

Allahu thotë në Kur'an, se: ***“Sigurisht, Ne e kemi shpallur Kur'anin dhe, sigurisht, Ne do ta ruajmë atë.”*** (Kur'ani, 15:9) Gjithashtu Allahu thotë në Kur'an: ***“Thuaj: “Sikur të tuboheshin të gjithë njerëzit dhe xhindet për të hartuar një Kur'an të tillë, ata nuk do të mund të hartonin një të ngjashëm me të, madje, edhe sikur ta ndihmonin njëri - tjetrin.”*** (Kur'ani, 17:88)


Në këtë broshurë, do të doja të ndaja me ju disa nga rreshtat e bukur të oqeanit të pafund, të Fjalës së Zotit dhe Urtësisë së Tij. Për të zbuluar më shumë rreth këtyre thesareve të bukura dhe të pastra të Fjalës së Zotit të vetëm të vërtetë, ju ftoj që ta lexoni ju vetë Kur'anin. Mundohuni të gjeni një përkthim autentik; një të tillë mund ta gjeni në ndonjë nga faqet e besueshme islame online (ju lutem shikoni webfaqet islamike të rekomanduara, në fund të kësaj broshure).



AJETET E BUKURA TË KUR'ANIT

Të gjitha ajetet kuranore janë Fjalët e Zotit. Ejani t'i lexojmë dhe të kënaqemi me disa pjesë nga teksti i mrekullueshëm i Kur'anit Madhështor, që shfaqin pikëpamjen islame lidhur me disa nga konceptet qendrore dhe domethënëse për ne.

- **Njëshmëria e Allahut, Zotit të Vërtetë (Teuhidi)**
- **Falja dhe shpëtimi**
- **Drejtësia**
- **Barazia**
- **Përbotshmëria dhe uniteti i mesazhit**
- **Allahu dhe i Dërguari i Tij**
- **Qetësia dhe Parajsa**
- **Meshkujt dhe femrat (në islam)**
- **Mësimet e mëdha**
- **Të lejuarat dhe ndalesat**



“Allahu, nuk ka hyj tjetër pos Tij. Ai me siguri do të ju mbledhë juve, që t’ju marrë në llogari në Ditën e Gjykimit, për të cilën nuk ka dyshim. E kush është më i vërtetë, se Allahu në thënie?!”
(Kur’ani, 4: 87)

“Ai është Allahu, Zoti juaj; nuk ka hyj tjetër pos Tij, Krijuesi i të gjitha gjërave, andaj adhurojeni Atë... Dhe Ai është rregulluesi i të gjitha çështjeve.” (Kur’ani, 6: 102)

“O njerëz, kujtoni të mirën e Allahut ndaj jush. A ka ndonjë Krijues tjetër pos Allahut, i Cili ju furnizon juve nga qiejt dhe toka? Nuk ka hyj tjetër pos Tij, andaj si mashtroheni?”
(Kur’ani, 35:3)

“Dhe Ai është Allahu; nuk ka hyj tjetër pos Tij. Atij i përket gjithë falënderimi në këtë botë dhe në tjetrën. Vendimi përfundimtar i takon Atij, dhe tek Ai do të ktheheni.” (Kur’ani, 28: 70)

“Dhe Zoti juaj është Një. Nuk ka hyj tjetër (që meriton të adhurohet) pos Tij, më i Mëshirshmi, më Mëshiruesi.”
(Kur’ani, 2: 163)

“Thuaj: “Ai është Allahu, Një dhe i Vetëm!Allahu është Absoluti, të Cilët i përgjërohet gjithçka në amshim.Ai as nuk lind, as nuk është i lindur. Dhe askush nuk është i barabartë (a i krahasueshëm) me Atë!” ’ (Kur’ani, 112:1-4)

“Ndërkohë që janë urdhëruar të adhurojnë vetëm një Zot, përveç të Cilët nuk ka tjetër që meriton të adhurohet. I lartësuar qoftë Ai mbi gjithçka që ia shoqërojnë (në adhurim).”
(Kur’ani, 9:31)

Me të vërtetë, koncepti i qartë i Njeshmërisë së Allahut (në gjuhën arabe, Teuhidi), është tema kryesore e Kur’anit.



FALJA DHE SHPËTIMI NË KUR'AN

“Thuaj: “O robërit e Mi, që i keni bërë keq vetës me gjynahe, mos e humbni shpresën në mëshirën e Allahut! Allahu, me siguri, i fal të gjitha gjynahet. Vërtetë, Ai është Falësi i madh dhe Mëshirëploti.” (Kur’ani, 39:53)

Kur një njeri pendohet dhe kthehet tek Allahu, Allahu po ashtu kthehet kah robi i Tij, me pranim dhe falje. Pra, Allahu i fal të gjitha mëkatet, kur ne kthehemi tek Ai sinjerisht. Sa marrëveshje e mrekullueshme! “...Pa dyshim, Allahu i do ata që pendohen fort (për gjynahet) dhe ata që pastrohen...” (Kur’ani, 2:222)

Islami e konsideron Allahun si burim të paqes, mëshirës dhe faljes, jo si burim i urrejtjes, gjakderdhjes apo terrorizmit.

Në mënyrë që ta fitosh shpëtimin dhe jetën e përjetshme, thjesht duhet të kthehesh kah Allahu duke besuar vetëm tek Ai, dhe duke bërë punë të mira. Nuk ka nevojë, që një person i pafajshëm të kryqëzohet apo të vritet, për t'i fshirë mëkatet që kanë shkaktuar të tjerët. Islami i urdhëron praktikuesit e tij (myslimanët) t'i falin njerëzit. Kjo e sqaron shkurt konceptin e bukur të shpëtimit dhe faljes në Islam, që në të vërtetë është feja e mëshirës dhe faljes.



Drejtësia në Kur'an

“O besimtarë! Bëhuni të qëndrueshëm në urdhrat e Allahut dhe bëhuni dëshgues me drejtësi! Le të mos ju nxisë urrejtja ndaj njerëzve, për të bërë padrejtësi. Bëhuni të drejtë, se kjo është më afër devotshmërisë dhe frikësojuni Allahut! Pa dyshim, Allahu është i Dijshëm për çdo gjë, që punoni ju.” (Kur'ani, 5:8)

Islami na mëson të jemi të drejtë me këdo, qoftë ai mik apo armik, në të gjitha kohët, në paqe apo në luftë. Ai na mëson, po ashtu që të sillemi me drejtësi dhe moral pa kushte, duke qenë të lirë nga tekat individuale apo nga ideja, se vlerat morale ndryshojnë me kalimin e kohës për shkak të ndryshimeve sociale apo situatave kulturore.

“Allahu ju urdhëron, që amanetet t’ua ktheni atyre që u përkasin dhe, kur të gjykoni midis njerëzve, të gjykoni drejt...” (Kur'ani, 4:58)

Si një manifestim praktik i bukurisë së tij, i vlerave të përhershme të mëshirës dhe drejtësisë, Islami na urdhëron t'i mbrojmë ato, që dijetarët myslimanë i quajnë ‘**Pesë Nevojat Esenciale**’, të cilat janë:

1. Feja
2. Shpirti
3. Mendja
4. Nderi (dinjiteti)
5. Pasuria dhe prona



Në mënyrë të bukur, Kur'ani Madhështor thekson se nëse ndokush vret një njeri të pafajshëm, "...kush vret ndokënd, që s'ka vrrarë njeri ose që nuk ka bërë çrregullime në Tokë, është sikur të ketë vrrarë të gjithë njerëzit." (Kur'ani, 5:32)

*Lidhur me lirinë dhe mbrojtjen e besimit, Kur'ani Madhështor thotë po ashtu: "**S'ka detyrim në fe.**"* (Kur'ani, 2:256)

Kështu, Islami e nderon njerëzimin dhe nuk pranon, që dikush të detyrohet ta përqafojë besimin. Kjo është e vërteta, bukuria, drejtësia, mirësia dhe toleranca e Islamit, që duhet të tregojmë kur kemi të bëjmë me jomyslimanët. Në anën tjetër, Islami na urdhëron të jemi të ndershëm, objektivë dhe të drejtë, kur t'i gjykojmë të tjerët. Le të kujtojmë çka thotë Allahu në Kur'anin e Madhërishtëm: **"...bëhuni dëshmues me drejtësi! Të mos ju nxisë urrejtja ndaj njerëzve, për të bërë padrejtësi. Bëhuni të drejtë, se kjo është më afër devotshmërisë dhe frikësojuni Allahut!..."** (Kur'ani, 5:8)

Megjithatë, ekzistojnë udhëheqës politikë dhe fetarë të padrejtë, në mesin e tyre edhe shkrimtarë, historianë dhe njerëz të medieeve, të cilët i akuzojnë Islamin dhe myslimanët për terrorizëm dhe thonë, që Islami ishte përhapur nga shpata; po ashtu ka të atillë, që padrejtësisht dhe pa mirësjellje e përshkruajnë Allahun, Zotin e vetëm të vërtetë, bashkë me Profetin e Tij të fundit, Muhamed, me fotografitë, filmat dhe imazhet më të këqija dhe më të shëmtuara.



Ndërkohë keni parasysh edhe këto pyetje:

- A është kjo domethënia e lirisë dhe në veçanti liria e shprehjes? A nuk ekziston një standard i dyfishtë kur bie fjala tek Islami dhe myslimanët? (Për shembull, përse termat ‘terroristë të krishterë’ apo ‘terroristë hebrej’ nuk janë dëgjuar kurrë në medie, edhe pse nuk ka mungesë të mizorisë së shkaktuar nga njerëz të këtyre besimeve?)
- A është çdokush i lirë të fyejë, mallkojë dhe përbuzë të tjerët dhe besimet e tyre, apo t’i akuzojë ata të gjithë për terrorizëm?
- A është kjo mënyra se si qytetërimi, demokracia dhe liria u mësohen brezave të rinj në shkolla, kolegje dhe shoqërisë në përgjithësi?
- A është me të vërtetë shpata e Islamit, ajo që bën kaq shumë meshkuj dhe femra, kaq të mençur, objektivë, të sinqertë dhe mendjehapur anembanë botës, që ta pranojnë Islamin në ditët e sotme? (Ka shumë libra, artikuj, tregime, webfaqe, video dhe materiale në media sociale, që diskutojnë pse dhe si këta vëllezër dhe motra janë konvertuar në Islam. Për shembull, unë do të rekomandoja Islam Our Choice: Portraits of Modern American Muslim Women, edited by Debra L. Dirks and Stephanie Parlowe.)

Shënim: Përkundër përshkrimeve negative, mediet perëndimore raportojnë, se Islami është feja me rritjen më të shpejtë në botë. Dhe përse Islami?



Barazia në Kur'an

“O njerëz! Në të vërtetë, Ne ju krijuam ju prej një mashkulli dhe një femre, dhe ju bëmë popuj e fise, për ta njohur njëri-tjetrin. Më i nderuari prej jush tek Allahu është ai që i frikësohet më shumë Atij. Vërtetë, Allahu është i Gjithëdijshtëm dhe për Atë asgjë nuk është e fshehtë.” (Kur’ani, 49:13)

Duke e pranuar këtë koncept ideal të barazisë në Islam, Profeti Muhamed tha në hutben e tij të fundit: “O njerëz, Zoti juaj është vetëm një dhe babai juaj është vetëm një. Ju jeni të gjithë nga Ademi dhe Ademi është nga dheu. Një arab nuk ka përparësi para një joarabi, dhe as një joarab nuk është më i ngritur se një arab. I bardhi nuk ka përparësi ndaj të ziut dhe as i ziu nuk ka përparësi ndaj të bardhit. Ju jeni të gjithë të barabartë. Askush nuk ka përparësi para të tjerëve, përveçse me devotshmëri dhe sjellje të mirë.”

- Islami na mëson, të mos i urrejmë dhe diskriminojmë të tjerët në bazë të racës, ngjyrës së lëkurës apo kombësisë.
- Islami është zgjidhje praktike, për largimin e konfliktit racor që njeh bota.

Në Islam të zinjët dhe të bardhët janë vëllezër dhe motra, në të njëjtën racë njerëzore. Ne të gjithë kemi lindur nga i njëjti baba, Ademi, i cili ishte i krijuar nga dheu; kështu, ne të gjithë jemi nga toka dhe do të kthehemi prapë në të, e do të shndërrohemi në dhë sërish.

Ky mësim i rëndësishëm vjen nga thëniet e mësipërme, nga Kur’ani dhe hutbeja e fundit e Profetit. Përse disa njerëz ndiejnë krenari të rreme apo veprojnë me arrogancë ndaj të tjerëve?



Gjithanshmëria dhe uniteti i mesazhit

Myslimanët i duan dhe i besojnë të gjithë Profetët e Zotit, duke përfshirë Ademin, Nuhin, Ibrahimin, Ismailin, Isakun, Jakubin, Musain, Isain dhe Muhamedin (paqja dhe bekimet e Allahut qofshin mbi të gjithë).

Kur'ani na mëson:

“Thoni: “Ne besojmë në Allahun, në atë që na është shpallur neve (Kur’anin), në atë që i është shpallur Ibrahimit, Ismailit, Is’hakut, Jakubit dhe Esbatëve (12 bijve të Jakubit), në atë që i është dhënë Musait e Isait, dhe në atë që u është dhënë profetëve nga Zoti i tyre. Ne nuk bëjmë kurrfarë dallimi midis tyre dhe vetëm Allahut i përulemi”. (Kur’ani, 2:136)

Profeti Muhamed (paqja qoftë mbi të) ka thënë: “Unë jam më i afërti nga njerëzit me Isain, djalin e Merjemes, sepse nuk ka pasur Profet tjetër mes tij dhe meje. Profetët janë vëllezër; nënat e tyre janë të ndryshme, por feja e tyre është një.”

**CILA ËSHTË FEJA UNIVERSALE, E VËRTETË
E TË GJITHË PROFETËVE TË ZOTIT?**

AJETE TË TJERA PËR TË MENDUAR RRETH TYRE

Bukuria, ëmbëlsia dhe pastërtia e Kur'anit të Madhërishtëm është e pafund, ndaj më lejo që thjesht të përmend disa ajete kuranore pa ndonjë koment. Do të doja që të meditosh dhe mendosh rreth tyre. Mundohu t'i zbulosh vetes më shumë thesare nga Testamenti i Fundit, Kur'ani.

- Allahu dhe i Dërguari i Tij

“Allahu është Ai, që ka dërguar të Dërguarin e Tij (Muhamedin), me udhëzim dhe fe të vërtetë.” (Kur'ani, 48:28); ***“Muhamedi nuk është babai i asnjërit prej burrave tuaj, por (ai është) i Dërguari i Allahut dhe Profeti i fundit. Dhe Allahu është i ditur për gjithçka.”***

(Kur'ani, 33:40)

- Qetësia dhe Xheneti

“Allahu është Ai, që ka sjellë qetësinë në zemrat e besimtarëve, që atyre t'u shtohet besimi edhe më shumë... Që Ai t'i dërgojë besimtarët dhe besimtare në kopshtet, poshtë të cilëve rrjedhin lumenjtë, duke qenë aty përgjithmonë, duke ua larguar atyre të këqijat, dhe të Allahu, kjo është arritja e madhe.” (Kur'ani, 48:4-5); ***“O ti shpirt i qetë, kthehu te Zoti yt, i kënaqur dhe Ai i kënaqur me ty, dhe hyrë në mesin e robërve të Mi të mirë, dhe hyrë në Xhenetin Tim.”*** (Kur'ani, 89:27-30)

- Meshkujt dhe femrat në Islam

“Me të vërtetë që për myslimanët dhe myslimanet, besimtarët dhe besimtare, të bindurit ndaj Allahut dhe të bindurat ndaj Allahut, të drejtët (të sinqertët) dhe të drejtat (të sinqertat), duruesit dhe durueset, të përulurit dhe të përulurat, mirëbërësit dhe mirëbërëset, agjëruesit dhe agjërueset, ruajtësit e nderit dhe ruajtëset e nderit, përkujtuesit e Allahut vazhdimisht dhe përkujtueset, pra, për të gjithë këta Allahu ka përgatitur falje dhe shpërblim të madh.”

(Kur'ani, 33:35)

“Dhe kushdo që bën punë të mira, qoftë mashkull apo femër, duke qenë besimtar, ata do të hyjnë në Xhenet.” (Kur’ani, 4:124)

● Mësime të mëdha

“Nxitoni drejt faljes së gjynaheve nga Zoti juaj dhe Xhenetit, hapësira e të cilit është sa qiejt e Toka dhe që është përgatitur për të devotshmit, të cilët japin lëmoshë edhe kur janë në mirëqenie, edhe kur janë në vështirësi, e mposhtin zemërimin dhe ua falin fajet njerëzve. Allahu i do bamirësit. Për ata që, kur bëjnë vepra të turpshme ose i bëjnë dëm vetes, e kujtojnë Allahun, i kërkojnë falje për gjynahet e tyre - e kush i fal gjynahet përveç Allahut? - dhe nuk ngulmojnë me vetëdije në gabimet që kanë bërë, pra, për këta do të ketë si shpërblim falje madhështore (të gjynaheve) nga ana e Zotit të tyre dhe kopshte, nëpër të cilët rrjedhin lumenj dhe ku do të qëndrojnë përherë. Sa shpërblim i bukur është ky për ata që punojnë (vepra të bukura)! (Kur’ani, 3:133-136)

● Të lejuarat dhe ndalesat

“...Mos adhuro dikë tjetër pos Allahut, dhe bëju mirë prindërve dhe të afërmeve, jetimëve, nevojtarëve dhe njerëzve, thuaju fjalë të mira...” (Kur’ani, 2:83)

● Përmendja e Zotit – dhikri dhe qetësimi shpirtëror

“Ata që kanë besuar dhe zemrat, e të cilëve qetësohen me përmendjen e Allahut. Pa dyshim, me përmendjen e Allahut zemrat qetësohen.” (Kur’ani, 13:28)

Të vërtetat, dobitë dhe mrekullitë e Kur’anit të Madhërishëm, nuk kanë fund. Sa më shumë që e lexon, më shumë do të zbulosh dhe çdoherë ndien sikur po e lexon atë për herë të parë. Kur’ani ka shumë aspekte mahnitëse brenda tij, duke përfshirë mrekullitë e tij autentike, përsosmërinë gramatikore, njohurinë shkencorë dhe ilaçet mjekësore, të cilat nuk i kam përmendur këtu, në mënyrë që ta mbaj këtë broshurë të vogël.

A JENI ENDE KURESHTAR?

Nëse jeni kureshtar dhe të interesuar të zbuloni më shumë informacione dhe detaje rreth Islamit, ju lutem vizitoni faqen tonë:

www.discoveritsbeauty.com

Keni mirësinë të na dërgoni me e-mail pyetjet dhe kritikën tuaj:

info@discoveritsbeauty.com

SERITË E 'ZBULOJENI BUKURINË E TIJ'

- 1) Vetëm maja e ajsbergut
- 2) Feja e Ademit dhe Havasë
- 3) ABC-ja e Islamit
- 4) Përgjigje ndaj pyetjeve madhore të njerëzimit
- 5) Emrat e Tij të bukur
- 6) Shpallja e fundit
- 7) I Dërguari i fundit

WEBFAQET E DOBISHME ISLAME

<http://www.allahsquran.com>

<http://www.quranexplorer.com>

<http://www.islamhouse.com>

<http://www.edialogue.com>

<http://www.islamreligion.com>

<http://www.newmuslimguide.com>

<https://aboutislam.chat>

<https://guidetoislam.com>

DËSHMIA E BESIMIT HYRJA NË ISLAM

Dëshmoj se nuk ka tjetër të adhuruar me meritë, dhe
dëshmoj se Muhamedi është i Dërguari i Allahut.”

Në arabisht lexohet:



që në shqip tingëllon sikurse më poshtë:

**ESH-HEDU EN LA ILAHE IL-LA ALLAH,
UE ESH-HEDU ENNE MUHAMMEDEN RESULULLAH!**



Kjo është dëshmia e besimit, që duhet të deklarojmë në mënyrë
që të përqafojmë Islamin; ajo përmbledh të vërtetën, bukurinë
dhe thjeshtësinë e Islamit.





WWW.DISCOVERITSBEAUTY.COM



Scan it!

GLOBAL ACADEMY FOR TRANSLATION AND EDUCATION (GATE)
LONDON | THE UNITED KINGDOM

كتاب الوحي الأخير باللغة الألبانية